



Cytundeb Darparwr Cynnig Gofal Plant 2018-2019

1.1 Enw'r lleoliad:

1.2 Manylion cyswllt yr Awdurdod Gweithredu:

Carfan Cynnig Gofal Plant
Gwasanaethau Addysg a Chynhwysiant
Cyngor Bwrdeistref Sirol Rhondda Cynon Taf
Tŷ Trevithick
Abercynon
CF45 4UQ

Ffôn: 01443 744026 / 744094 / 570044

E-bost: DarparwyrCynnigGofalPlant@rctcbc.gov.uk

1.3 Cyfnod Cyllido:

1.3.1 Mae'r cytundeb yma'n ddilys ar gyfer y flwyddyn academaidd 2018-2019. Bydd y cytundeb yn barhaus, yn amodol ar adolygiad blynyddol ac yng ngoleuni canllawiau newydd gan Lywodraeth Cymru.

1.4 Gwasanaeth fydd yn cael ei ddarparu:

1.4.1 Mae Llywodraeth Cymru wedi ymrwymo i gynnig hyd at 30 awr o ofal plant wedi'i gyfuno â darpariaeth Meithrin Cyfnod Sylfaen am hyd at 48 wythnos y flwyddyn (y *Cynnig Gofal Plant*) i rieni plant tair a phedair oed sy'n gweithio.

1.4.2 At ddibenion y peilot, mae Cyngor Bwrdeistref Sirol Rhondda Cynon Taf yn Awdurdod Gweithredu a bydd yn prosesu ceisiadau darparwyr am gyllid er mwyn darparu'r cynnig i blant RhCT ac i'r rhai sy'n darparu'r cynnig i blant yng Nghyngor Bwrdeistref Sirol Merthyr Tudful ac yng Nghyngor Bwrdeistref Sirol Pen-y-bont ar Ogwr (Awdurdodau Ymgysylltu).

1.4.3 Bydd y **Cynnig Gofal Plant** yn cynnwys:

Tymor yr ysgol

- **10-15 awr** yr wythnos o ddarpariaeth addysg Meithrin Cyfnod Sylfaen (yn ddibynol ar beth mae pob Awdurdod Lleol yn cynnig) - 39 wythnos y flwyddyn
- **Gofal plant ychwanegol wedi'i ariannu** (i wneud cyfanswm darpariaeth o 30 awr yr wythnos) - 39 wythnos y flwyddyn
- **Nodwch** os yw plentyn yn derbyn addysg Meithrin Cyfnod Sylfaen llawn amser, fydd e ddim yn gymwys i dderbyn gofal plant ychwanegol wedi'i ariannu yn ystod y tymor

Gwyliau Ysgol

- **30 awr** o ofal plant ofal plant wedi'i ariannu yr wythnos - hyd at 9 wythnos y flwyddyn academaidd (pro-rata, 3 wythnos y tymor)

1.4.4 **Mae'n rhaid i ddarparwyr gofal plant gofrestru gydag Arolygiaeth Gofal Cymru i gymryd rhan yn y Cynnig Gofal Plant a bod yn gymwys i hawlio cyllid.**

1.4.5 Dyma amseroedd tymhorau'r flwyddyn academaidd 2018-19:

- **Tymor yr Hydref:** Dydd Llun 3 Medi 2018 - dydd Gwener 21 Rhagfyr 2018
- **Tymor y Gwanwyn:** Dydd Llun 7 Ionawr 2019 - dydd Gwener 12 Ebrill 2019
- **Tymor yr Haf:** Dydd Llun 29 Ebrill 2019 - dydd Llun 22 Gorffennaf 2019

1.5 Sut y bydd hyn yn cydfynd â'r gwasanaethau sy'n bodoli eisoes ac yn ychwanegu gwerth atyn nhw?

1.5.1 Bydd y gwasanaeth yma'n cynorthwyo'r Awdurdod Gweithredu a'r Awdurdodau Ymgysylltu i fodloni eu rhwymedigaethau i Lywodraeth Cymru i brofi a gweithredu'r Cynnig Gofal Plant

1.5.2 Bydd y Cynnig Gofal Plant yn ategu'r ddarpariaeth addysg Meithrin Cyfnod Sylfaen gyfredol trwy ddarparu gofal plant ychwanegol wedi'i ariannu i blant cymwys o'r tymor yn dilyn eu trydydd pen-blwydd i'r mis Medi yn dilyn eu pen-blwydd yn bedair oed.

1.6 Taliad:

1.6.1 Bydd darparwyr yn cael eu talu i ddarparu'r gofal plant a ariennir o flaen llaw ar gyfer bob plentyn ar gyfradd o **£4.50 yr awr**, fel y mae Llywodraeth Cymru wedi gosod. Mae hyn ar yr amod bod y dogfennau perthnasol wedi'u cyflwyno.

1.6.2 Nid oes gan ddarparwyr yr hawl i godi rhagor o arian yr awr os ydyn nhw fel arfer yn codi dros £4.50 yr awr, ond mae hawl ganddyn nhw i godi eu cyfradd arferol am oriau ychwanegol.

1.6.3 Mae modd i ddarparwyr godi ffioedd ychwanegol i rieni am fyrbrydau a bwyd y maen nhw'n darparu hyd at 75c fesul byrbryd a £2 y pryd hyd at uchafswm o £7.50 y dydd. Mae hyn yn cynnwys 3 phryd a 2 fyrbryd. Mae modd i ddarparwyr godi tâl am weithgareddau a thrafnidiaeth, megis tripiâu oddi ar y safle sy'n golygu cost ychwanegol a/neu godi/gollwng i'r/o'r ysgol.

1.6.4 Bydd yr arian yn cael ei dalu'n uniongyrchol i'r darparwr gofal plant. Bydd unrhyw oriau sy'n ychwanegol at y rhai sy'n cael eu hariannu gan y Cynnig Gofal Plant yn drefniant preifat rhwng y darparwr gofal plant a'r rhiant/cynhaliwr.

1.7 Meini Prawf Cymhwysedd Defnyddwyr Gwasanaeth:

1.7.1 Mae plant yn gymwys o'r tymor yn dilyn eu trydydd pen-blwydd tan y mis Medi yn dilyn eu pen-blwydd yn bedair oed

- 1.7.2 Rhaid i bob rhiant (neu gyplau sy'n cyd-fyw) yn y cartref weithio o leiaf 16 awr yr wythnos am Isafswm Cyflog Cenedlaethol neu Gyflog Byw Cenedlaethol neu ragor. Trothwy'r incwm uchaf yw £100,000 y rhiant y flwyddyn
- 1.7.3 Rhaid i'r plant fyw yn ardal y cynllun peilot. Mae'r ardaloedd canlynol yn cael eu cynnwys yn ardal y cynllun peilot ar gyfer blwyddyn Academaidd 2018-19:
- O dymor yr Hydref 2018 - pob rhan o Gyngor Bwrdeistref Sirol Rhondda Cynon Taf
 - O dymor yr Hydref 2019 - pob rhan o Gyngor Bwrdeistref Sirol Merthyr Tudful
 - O Dymor yr Haf 2019 – Pob ardal yng Nghyngor Bwrdeistref Sirol Pen-y-bont ar Ogwr
- 1.7.4 Bydd gan rieni/cynhalwyr sy'n dod yn anghymwys oherwydd newid mewn amgylchiadau hawl i gyfnod eithrio dros dro wyth wythnos lle bydd gofal plant yn parhau i gael ei ariannu. Os dydy'r rhiant/cynhaliwr ddim yn dod yn gymwys unwaith eto yn y cyfnod yma, bydden nhw'n dod yn gyfrifol am dalu'r holl ffioedd am ofal plant wedi i'r cyfnod yma o wyth wythnos ddod i ben.
- 1.7.5 Bydd cyllid ychwanegol ar gael i gefnogi plant ag anghenion ychwanegol. Bydd hyn yn cael ei gytuno'n dilyn proses atgyfeirio ac asesu'r Awdurdodau Lleol perthnasol.
- 1.7.6 Bydd Cyngor Bwrdeistref Sirol Rhondda Cynon Taf ddim yn talu ffioedd cadw neu ffioedd eraill ond bydd modd i leoliadau godi tâl ar rieni/cynhalwyr os yw hynny'n rhan o'u termau a thelerau arferol.

2 Gofynion y Gwasanaeth:

2.1 Gofynion Cyffredinol:

Mae'n rhaid i leoliadau:

- 2.1.1 Bod yn gofrestredig gydag Arolygiaeth Gofal Cymru drwy'r amser
- 2.1.2 Mynnu'r wybodaeth ddiweddaraf am Safonau Gofynnol Cenedlaethol a rhoi unrhyw newidiadau angenrheidiol ar waith
- 2.1.3 Cydymffurfio â'r holl ddeddfwriaeth a chanllawiau perthnasol eraill sy'n ymwneud â gweithrediad diogel y gwasanaeth
- 2.1.4 Sicrhau bod gan bob aelod o staff brofiad, cymwysterau a sgiliau addas
- 2.1.5 Sicrhau bod yswiriant Atebolrwydd Cyhoeddus / Atebolrwydd Cyflogwyr dilys ar waith bob amser
- 2.1.6 Cydymffurfio â rheoliadau Diogelu a chadw at y Gweithdrefnau Amddiffyn Plant Cymru Gyfan
- 2.1.7 Cydymffurfio â gofynion Cod Ymarfer Anghenion Addysgol Arbennig Cymru
- 2.1.8 Peidio gwahaniaethu yn erbyn unrhyw unigolyn ar sail hil, lliw, ethnigrwydd, anabledd, rhyw, cyfeiriadedd rhywiol, crefydd, oedran nac unrhyw amgylchiadau eraill

2.1.9 Sicrhau bod yr wybodaeth sydd gan y Gwasanaeth Gwybodaeth i Deuluoedd am eu gwasanaeth yn gyfredol

2.2 Rhwymedigaethau'r Lleoliad:

Mae gofyn i'r lleoliadau

2.2.1 Darparu faint o ofal plant sydd wedi'i gytuno ar lythyr cadarnhad pob plentyn

2.2.2 Cytuno i fonitro parhaus gan yr Awdurdod Lleol perthnasol a Llywodraeth Cymru

2.2.3 Cyflwyno'r ceisiadau am gyllid gofynnol gan sicrhau bod yr holl wybodaeth ofynnol wedi'i chynnwys

2.2.4 Cadw at yr amserlen sydd wedi'i ddarparu ar gyfer cyflwyno hawliadau misol

2.2.5 Cytuno i gyflwyno tystiolaeth o bresenoldeb i gefnogi hawliadau os oes angen

2.2.6 Bod â threfniant cytundebol ar waith gyda'r rhiant/cynhaliwr am ddarparu gofal plant a gwasanaethau eraill (prydau/cludiant)

2.2.7 Sicrhau bod cynllunio ar waith ar gyfer anghenion a dewisiadau unigol

2.2.8 Caniatáu i bersonél awdurdodedig o'r Awdurdodau Gweithredu / Ymgysylltu gael gafael ar ddogfennau, cofnodion a gweithdrefnau sy'n berthnasol i gyflwyno'r cynnig yn foddhaol

2.3 Cymhwyster ar gyfer Cyllid:

2.3.1 Dylai bob ymholiad gan rieni/cynhalwyr ynghylch cymhwyster gael eu cyfeirio at garfan Cynnig Gofal Plant yr Awdurdod Lleol perthnasol

2.3.2 Dylai'r ffurflen hawlio nodi nifer yr oriau/sesiynau sydd ar gael i blant cymwys yn glir.

2.3.3 Bydd Cyngor Bwrdeistref Sirol Rhondda Cynon Taf yn craffu ar bob ffurflen hawlio a ffurflen gais gan rieni ar ran yr Awdurdodau Ymgysylltu.

2.3.4 Rhaid i leoliadau roi gwybod i Gyngor Bwrdeistref Sirol Rhondda Cynon Taf os bydd plentyn sydd wedi'i ariannu yn gadael y lleoliad.

2.3.5 Rhaid i leoliadau roi gwybod i'r garfan Awdurdod Lleol perthnasol os dydy plentyn ddim yn mynychu am gyfnod o 10 diwrnod gwaith neu ragor heb i'r rhieni/cynhalwyr roi rheswm dilys

2.3.6 Bydd Cyngor Bwrdeistref Sirol Rhondda Cynon Taf yn gyfrifol am benderfynu faint o arian a gaiff ei roi i leoliadau os bydd cais newydd yn dod i law yn ystod tymor sydd wedi'i ariannu fel y mae canllawiau Llywodraeth Cymru'n datgan.

2.4 Rhwymedigaethau Cyngor Bwrdeistref Sirol Rhondda Cynon Taf:

Bydd y Cyngor yn gwneud y canlynol:

2.4.1 Ymdrin â cheisiadau am gyllid yn brydlon ac anelu at brosesu ceisiadau rhieni o fewn 10 diwrnod gwaith

- 2.4.2 Ymdrin â hawliadau gan ddarparwyr yn brydlon ac anelu at brosesu taliadau i ddarparwyr o fewn 5 diwrnod gwaith
- 2.4.3 Ymdrin ag unrhyw gwestiynau ariannol gan rieni a darparwyr ar ran yr Awdurdodau Ymgysylltu
- 2.4.4 Gwirio bod rhieni'n gymwys yn rheolaidd
- 2.4.5 Sicrhau bod darparwyr yn gwybod cyn gynted ag y bo modd os yw rhieni'n symud i gyfnod Eithrio Dros Dro neu'n peidio â bod yn gymwys ar gyfer y Cynnig Gofal Plant
- 2.4.6 Coladu a chyflwyno data misol a thymhorol i Lywodraeth Cymru
- 2.4.7 Cadw at brosesau diogelu data a chyfrinachedd
- 2.4.8 Rhoi gwybod i'r darparwyr am yr holl newidiadau a datblygiadau i'r Cynnig Gofal Plant yn y dyfodol cyn gynted ag y bo modd

2.5 Gofynion Ychwanegol:

- 2.5.1 Bydd lleoliadau'n rhoi gwybod i'r garfan Awdurdod Lleol perthnasol os ydyn nhw'n amau bod rhiant/cynhaliwr wedi gwneud cais twyllodrus am y gofal plant

2.6 Diogelu Data:

- 2.6.1 Bydd Cyngor Bwrdeistref Sirol Rhondda Cynon Taf yn prosesu eich data at ddibenion gweinyddu a phrosesu eich cofrestrriad ar gyfer y Cynnig Gofal Plant yn unig. Bydd modd defnyddio'r wybodaeth sydd wedi'i chasglu gennych chi yn y ffyrdd yma:
- Er mwyn monitro ac adrodd ar nifer yr unigolion sy'n cymryd rhan yn y Cynnig Gofal Plant a'r nifer y bobl o wahanol grwpiau sy'n derbyn cymorth (er enghraifft, gwahanol oedrannau, rhywiau, a mathau o ethnigrwydd)
 - Gan fudiadau ymchwil cymdeithasol sydd wedi'u cymeradwyo gan Lywodraeth Cymru, er mwyn gwneud ymchwil a/neu waith dadansoddi
 - Cysylltu data o'r ffurflen yma â ffynonellau data at bwrpas gwerthuso'r effaith y cafodd y prosiect ar yr unigolion sy'n cymryd rhan.
 - Efallai y bydd Cyngor Bwrdeistref Sirol Rhondda Cynon Taf yn rhannu eich data gydag awdurdodau lleol eraill, Llywodraeth Cymru a sefydliadau ymchwil cymdeithasol cymeradwy i gynnal ymchwil a / neu ddadansoddi.
- 2.6.2 Bydd y lleoliadau'n sicrhau bod yr holl wybodaeth bersonol yn cael ei chadw'n ddiogel, ei thrin yn gyfrinachol a'i defnyddio at ddibenion y cynnig peilot yn unig. Bydd yr holl wybodaeth yn cael ei ildio i'r Awdurdod Lleol perthnasol os yw'r lleoliad yn peidio â chymryd rhan yn y cynnig peilot.

2.7 Ail-gofrestru:

<p>2.7.1 Os bydd unrhyw lleoliad yn methu â chydymffurfio â'r amodau sy'n cael eu nodi'n uchod yn gyson, yna bydd Cyngor Bwrdeistref Sirol Rhondda Cynon Taf yn cymryd camau i ddadgofrestru'r lleoliad fel darparwr Cynnig Gofal Plant.</p>	
<p>2.8 Terfynu'r cytundeb:</p> <p>2.8.1 Pe bai'r naill barti neu'r llall yn dymuno terfynu'r cytundeb, yna bydd angen rhoi o leiaf 8 wythnos o rybudd ysgrifenedig i'r partïon sydd wedi cael eu henwi yn y cytundeb. Os bydd y Darparwr yn canfod ei fod yn cael anhawster wrth fodloni telerau ac amodau'r cytundeb yma, rydyn ni'n annog y Darparwr i gysylltu â'r garfan Cynnig Gofal Plant cyn gynted ag y bo modd i geisio datrys y problemau.</p>	
<p>2.9 Datganiad:</p> <p>2.9.1 Rydw i/rydyn ni wedi ystyried a deall cynnwys y cytundeb yma, ac rydw i/rydyn ni'n cytuno ar ei gynnwys. Rydw i/rydym ni'n deall byddai methu â chadw at holl ofynion y cytundeb yma'n gwneud ein lleoliad yn anghymwys ar gyfer cyllid Cynnig Gofal Plant pellach ar gyfer plant sy'n byw yn Rhondda Cynon Taf, Merthyr Tudful neu Ben-y-bont ar Ogwr.</p> <p>2.9.2 Os ydw i/byddwn i yn dewis peidio â darparu gofal plant trwy'r Cynnig Gofal Plant, byddaf i/byddwn ni yn rhoi gwybod i Gyngor Bwrdeistref Sirol Rhondda Cynon Taf (a'r Awdurdod Ymgysylltu perthnasol os yw'n berthnasol) ar unwaith, rhoi gwybod i'r rhieni a bod yn gyfrifol am ad-dalu unrhyw ordaliad o gyllid.</p> <p>2.9.3 Rydw i/rydyn ni yn cytuno i gyflwyno'r cytundeb wedi'i lofnodi i Gyngor Bwrdeistref Sirol Rhondda Cynon Taf.</p> <p>2.9.4 Rydw i/rydyn ni yn cytuno, os bydd unrhyw wybodaeth rydw i/rydyn ni yn ei gyflenwi yn ystod cyfnod y cytundeb yma'n ffug neu'n anghywir, yna bydd cyllid yn cael ei dynnu'n ôl a bydd modd cymryd camau pellach i adennill unrhyw gostau.</p>	
<p>Sicrhewch eich bod chi'n darparu dau lofnod isod</p>	
<p>Arweinydd y Lleoliad / Rheolwr / Gwarchodwr Plant</p>	<p>Llofnod:</p> <p>Dyddiad:</p>
<p>Aelod o Bwyllgor y Lleoliad / person cyfrifol (os yw'n wahanol i'r uchod)</p>	<p>Llofnod:</p> <p>Dyddiad:</p>
<p>Prif Swyddog Cynllun Cynnig Gofal Plant Cyngor Bwrdeistref Sirol Rhondda Cynon Taf</p>	<p>Llofnod:</p> <p>Dyddiad:</p>

Manylion y Darparwr Gofal Plant Cofrestredig

Math o Ddarparwr Gofal Plant:	
Math o leoliad: <i>Cylch Meithrin / Cylch Chwarae, Meithrinfa Diwrnod Llawn Gwarchodwr Plant, Gofal Cofleidiol, Clwb ar ôl Ysgol neu Glwb Gwyliau</i>	
Cyfeiriad:	
Cod post:	
Enw'r Person Cyswllt:	
Person Cofrestredig:	
E-bost:	
Rhif Ffôn:	
Rhif Ffôn Symudol:	
Rhif cofrestru Arolygiaeth Gofal Cymru	
Dyddiad yr Arolygiad diwethaf gan Arolygiaeth Gofal Cymru:	
Prif Iaith y Lleoliad:	
Oriau Agor y Lleoliad:	
Faint o wythnosau'r flwyddyn ydych chi ar agor? Pryd ydych chi ar gau?	

Manylion Banc

Enw'r Banc:	
Cyfeiriad:	
Enw'r Cyfrif:	
Côd Didoli: (6 rhif)	
Rhif y Cyfrif: (8 rhif)	
Rhif Cymdeithas Adeiladu: (os yw'n berthnasol)	